

DISSERTATIO INAUGVRALIS MEDICA

DE

IGNORATA VTER

STRUCTVRA

MVLTORVM IN MEDICINA ERRO-
RVM FONTE

QVAM

PROPITIO NVMINE DIVINO

PRÆSIDE

DN. FRIDERICO HOFFMANNO

FACVLTATIS MEDICÆ SENIORE ET h. t. DECANO

PRO LICENTIA


SVM MOS IN MEDICINA HONORES OBTINENDI

Ad d. Junii A. R. S. MDCCXXVI.

SOLENNI DOCTORVM EXAMINI SISTET

JOHANN PHILIPP SCHVVARZMANN.

RET. AD TVB. FR.



HALÆ MAGDEBVRGICÆ,

Typis, IOANNIS CHRISTIANI HILLIGERI, Acad. Typog.

VIRO
MAGNIFICO PRAENOBILISSIMO
ATQVE CONSVLTISSIMO
DOMINO
DN. JEREM. CHRIS
NVSCH,
S. R. I. LIB. REIPVBL. ROTENBURG. AD TVBAR.
CONSVLI, ATQVE DYNASTÆ GRAVISSIMO
PATRONO,
AD VRNAM VSQVE DEVENERANDO
DISSERTATIONEM HANCCE

D. D. D.

OBSERVANTISSIMVS

I. P. S.



DE
IGNORATA VTERI STRV-
CTVRA MVLTORVM IN ME-
DICINA ERRORVM
FONTE.

PROOEMIUM.



Uemadmodum universa
Medicina duobus maxime ful-
cris, experientia scilicet & ra-
tione, nititur: ita certe inter ea,
quæ Medicum instruunt, ut non
solum graves simulque capita-
les in medendo errores evitare,
sed etiam accommoda remedia invenire & oppone-
re queat, potissima pariter sunt longus usus, cum
solido firmisque rationibus subnixo iudicio. Atten-
ta enim experientia varios exhibet casus, & com-
pletas, licet mirum ratione circumstantiarum diffe-
rentes morborum historias, unacum mutationibus
quæ in corpore humano subinde contingunt; ratio

& perspicax medentis iudicium, omnium quæ eveniunt phænomenorum causas curate inquirat & investigat, iisdemque inventis, idonea ad expugnandum malum præsidia, quarum vires itidem usu & ratione exploratæ, suggerit modumque exhibendi docet. Experientia igitur, five potius facti ut aiunt species, ordine quidem prior est; istud tamen studium, quod facta ad rationes revocat, & theoreticum dictum, modum explicandi & applicandi tradit, principem merito in arte recte administranda sibi vindicat locum. Quamvis autem hæc medice ratiocinandi scientia, five theoria, non nisi una vera & recta esse possit: nihilominus tamen eadem a prima fere artis salutaris origine, admodum diversa multumque dissidens ab antiquioribus pariter ac recentioribus Medicis proposita fuit, quovis interim suum ratiocinium ceu verum & fundamentis subnixum venditante & proviribus speciose adstruente. At si recte calculum ponimus & verum fateri licet, opinionum magis, quam veritatum censum, plurimæ Medicorum theoriæ subeunt. Scilicet perversa plerorumque & absona philosophandi circa corpus humanum & res quæ eius constitutionem immutant erat methodus, dum quisque pro arbitrio & cognitionis suæ modulo, vel etiam ad normam præceptorum, quibus a doctoribus suis imbutus, theoriæ excogitabat, sterilem plane & ad explicandas morborum quoad omnia phænomena historias, quæ quasi theoriæ lapidem Lydium præbent, ineptam, quippe non ex genuinis naturæ principiiseductam, sed potius ex remotis nimis, occultis, abstrusioribus,

bus, plus metaphysicis, quam phycis speculationibus, contortam, seu mavis, sterilibus nominibus confarcinatam atque refertam. Posteaquam vero, quod Summi Numinis beneficium, per curationem corporis nostri, quoad partium structuram, situm & connexionem, anatomen, & exquisitum philosophiæ experimentalis & Chymix ope institutum scrutinium, tam solidorum, quam fluidorum in machina animali qualitates, dispositio ad motum & vires motrices e tenebris in lucem protractæ, reiectis gerris & figmentis omnibus, longe clariori iam luce scientia & ars medendi resplendescit, & perspicuis, simplicibus ac facilioribus principiis suffulta, ulterius administris iisdem studiis, vere rationalis & demonstrativa demum reddi poterit ac perfici. Et licet non inficias eamus, plures occurrere etiam in corpore humano effectus, quorum causas a rebus corporeis & earum viribus ac natura deducere ac derivare admodum difficile est, uti patet ex admirandis subinde conspicuis phantasiæ viribus & sequelis: in Medici tamen disquisitionem hæc minime cadunt, cuius officium in eo tantum versatur, ut ad vitam & sanitatem tuendam, eandemque collapsam reparandam, mediis ex natura rerum corporearum petitis & quæ motu agunt, perite uti sciat; adeoque sufficit sane, si causas, quibus vel conservatur, vel destruitur cum sanitate vita, exacte cognitas habet, cur nempe potentiam hanc vel illam exferant, noceant, vel profint, morbi vim augeant, vel minuant, ad quam cognitionem obtinendam, utique anatomica & phycica scientia

opus est exquisitissima. Deinde ponamus tantisper, quempiam ita speculationibus delectari, ut modum quo eiusmodi effectus, animi commotiones subsequentes, eveniunt, perquirere velit, quin etiam eundem perspicere possit; irritus tamen est labor nulliusque plane in Medicina utilitatis, quum damnum, quod ex mentis turbis in corpus redundat, non meditationibus aut moralibus quibusvis subsidiis, sed corporeis efficacis virtutis intimiusque perspectis præfidiis a Medico refareiri possit ac debeat. Quare sicuti innumeros ferme in medica arte ab omni inde ævo, tam quoad ipsum eius exercitium, quam rationalem factorum explicationem, commissos esse errores in propatulo est; ita utique omnes hos lapsus, si exceperis minus perfectas atque completas morborum historias, ex ignorata structura partium corporis nostri, & minus perspecta quoque scientia motuum, profluxisse, pariter nemo facile qui rem penitus rimatur, negare poterit. Ut vero idem hoc paullo testatius pateascat, placet in præsentī inaugurali dissertatione uterum exempli loco meditationi subiicere, & eos in medica errores planius exponere, qui ex ignorata vera huius officinæ eiusque partium fabrica pullularunt, simulque perspicue monstrare, qua ratione iidem ex penitiori uterinæ compagis per anatomen facto scrutinio emendari & cum eximio ægrotantium commodo possint corrigi. Adsit precamur DEVS huic conatui, ut artis salutaris incrementum inde augeatur & afflictorum salus promoveatur!

§. I.

IN perquisitiore igitur structuræ uteri indagine, primo utique loco commemoranda est notabilis immo mirabilis illa fibrarum musculosarum, necnon vasorum e quibus uterina compages contexta, vis, seu potentia elastica, in eo potissimum consistens, quod eius fibræ & vasa incredibilem in modum distendi & explicari, iterumque contrahi & sponte ad pristinum statum redire possint. Patet id quam maxime in utero gerentibus, dum a fœtu, nonnunquam gemino, cum magna secundinarum & liquorum mole in uteri cavo concluso, mirum in modum officina hæc attollitur & ampliatur, exclusis autem sub partu contentis, subfidet rursus ac ita coarctatur, ut vix centesima ratione molis & magnitudinis pars remaneat. Et quamvis plures adhuc in animantium corporibus sunt solidæ partes, quæ nonnunquam a vi interius urgente mirifice distenduntur, & cessante eadem, iterum sese contrahendo, pristinum spatium & naturalem molem recipiunt, quemadmodum subinde observare licet in cute & scroto hydropico tumore distentis item in ventriculo & intestinis flatibus turgidis; longe tamen maior magisque conspicua tam dilatandi, quam corrugandi & contrahendi in utero humano est potentia. Accedit vero omnemque fere captum exsuperat & illud, quod licet uterus, qui extra graviditatis statum, figura & magnitudine vix pyrum æquat, in tam eximiam molem excrescat, hac tamen ampliatione non tenuior

nuior reddatur, aut crassities tunicarum in incredibili ista expansione minuatur, sed potius eadem maneat.

§. II.

Deinceps nulla in universo corpore pars tam numerosa vasorum copia instructa, quam uterus. Ex his enim primæ sunt arteriæ & venæ spermaticæ, quæ ovaria contingunt, ac in fundum uteri copiosissimis ramificationibus feruntur, ibique terminantur, quod vel clare ex eo patet, quia flatu in spermatica hæc vasa immisso, ipse uteri fundus elevatur. Post spermaticas conspicui admodum sunt rami arteriæ & venæ hypogastricæ, qui ad partem mediam & inferiorem uteri, nec non vaginam excurrunt, ad quam etiam, maxime ubi recto connectitur, rami venarum hæmorrhoidalium externarum pertingunt, quæ cum ramis hæmorrhoidalium internarum per anastomosen iunguntur. Et quod maxime notandum, hæc largissime per uteri corpus disseminata sanguifera vasa, non solum mirum tortuoso ac serpentino quasi flexu iter legunt & quaquaversum discurrunt, sed etiam in virginibus, sterilibus & foetum non gestantibus exilia minorisque amplitudinis, conceptu facto, in gravidis ita diducuntur & tam in longitudinem, quam maxime latitudinem explicantur, ut minimi etiam vasorum ramuli talem nanciscantur capacitatem, quæ majorem stilum admittat.

§. III.

Præter vasorum confertam in utero congeriem

&

& flexuosum implexumque eorundem progressum, notatu etiam admodum dignus est concursus, tam singularis, ut nullibi tanta tamque frequens canaliculorum e diversis locis huc tendentium, tam arteriosorum, quam venosorum, anastomosis, qua invicem committuntur, reperiatur. Nam inflatis spermaticis, attolluntur quoque hypogastricæ, & vice versa: pariter hæmorrhoidales externæ flatu distentæ, diducunt quoque internas, ac vicissim hæc illas; quin spermaticæ dextri & sinistri lateris conspicuus mutuum ostendunt nexum. Id vero peculiare sibi servat exquisita illa vasorum uteri connexio, quod in plurimas cavernulas sive cellulas mutuo communicantes diversæ magnitudinis canalium alvei definant & cellulas ovalis figuræ efforment, quæ substantiam ipsius uteri spongiosam & fungosam reddunt, ac in gravidis mire ampliantur; quo fit, ut uterus, præsertim prægnans, transversim sectus, ampla & innumera ferme foramina exhibeat. Hac sinuosa & cavernosa vasorum commissura efficitur, non solum ut ipse uterus in prægnantibus a sanguine contento mirifice dilatetur eiusque compages tensa antea & stricta, laxior ac mollior reddatur, sed etiam ut orificia extremitatum vasculosarum, quæ in cavo oblique sub membrana uteri hiant, & per quæ aër canali cuidam insufflatus in ipsam cavitatem haud difficulter transmittitur, magis diducantur, sicque perforata vasculosæ chorii membrana filamenta, nutrimentum ex iis haurire & ad foetum traducere possint.

§. IV.

Neque etiam in anatomica hac fabricæ uteri, ac potissimum vasorum eius consideratione omit- tendum, quod non modo hypogastricæ venæ, quæ sanguinem revehunt, dimidio maiorem capacitatem obtineant, quam arteriæ hypogostricæ, verum et- iam quod venæ sic dictæ spermaticæ, non recto, sed anfractuoso admodum & in orbem quasi recurvo du- ctu porrigantur, ita prorsus, ut si easdem extrica- re earumque longitudinem supputare luberet, ali- quot ulnas æquarent, & arteriarum spermaticarum prolixitatem vel ter superarent. Quæ quidem omnia luculentum præbent indicium, tarde utique ac segni- ter per venas has succedere sanguinis cursum, præ- fertim quum eædem valvulis destituantur, quarum ministerio in aliis corporis partibus impeditior san- guinis regressus ad cor eximie promoveretur & ad- iuvatur. Denique de uteri fabrica id quoque singu- lare & notatu dignum, quod omni penitus careat pinguedine, qua aliæ partes internæ largiter obdu- cuntur, eam procul dubio ob causam, ne mem- brana adiposis vasculis instructa, liberiori laterum & expansioni & contractioni obstet.

§. V.

Ex peculiari igitur hac vasorum ac funiculo- rum musculoformi, e quibus uteri corpus coagmen- ratum est, textura, & mira potentia elastica, qua vasa adeo a sanguine contento, vel ipse etiam uterus a foetu, ampliantur, & propria virtute, sublata di-
sten-

stensionis causa, iterum ad priorem statum & magnitudinem redeunt, nec non ex difficili sanguinis per venas uterinas progressu, plura utique alias difficilius solutionis & indaginis phænomena, circa statum, vel naturalem, vel præternaturalem, fœminis solennem, occurrentia, clarius explicari, immo compluribus in pathologicis æque ac therapeuticis erroribus, huius scientiæ ope detectis, certior & expeditior malis ex uteri vitio pullulantibus mendiendi via inveniri potest atque ostendi.

§. VI.

Et ut a maxime solenni initium capiamus, inter omnes constat: quod singulis mensibus in fœminis a pubertatis ad consistentis usque ætatis periodum, excretio sinceri sanguinis, ex apertis uterinis vasculis, sive per uterum, sive vaginam, dispersis, eaque saluberrima, secundum ordinarium naturæ cursum succedat; hac autem vel penitus subsistente, vel parcius aut male ad calculum contingente, difficiles valde & graves suboriri morbos, ut Medici in omnibus quibus muliebris sexus affligitur morboris insultibus, critici huius fluxus, merito rationem habere debeant, curatissimam. Iam vero in evolvendis menstruæ huius evacuationis causis, insignis inter Medicos viget dissensus, dum alii specificum quoddam fermentum, alii determinatum quendam, nescio quem, principii intelligentis sensum & quod molestum est expellendi conatum, alii denique proximum efficacem astrorum ac potissimum lunæ influxum, pro causa venditare non erubescunt. Plu-

res etiam sunt, qui sanguinis abundantiam hunc fluxum suscitare contendunt: quod vicissim alii pernegant, eo quod per venæ sectionem, quæ plethoræ generationem impedit, minime excretio hæc penitus possit arceri ac cohiberi.

§. VI.

Quicumque autem mechanicam uteri, quoad vasa & fibras structuram curatius paullo considerat, is facili negotio, periodici huius fluxus veras causas, immo effectus a Sapientissimi Opificis providentia dependentes, perspiciet. Nam quia uterus ob ingentem vasorum, quibus obsitus est, copiam, eorumque sinuosum ac tortuosum ductum, nec non ob facilem & stupendam fere, quæ in eius compagem incidit distensionem, commodum sanguinis mole exundantis præbet diverticulum, hinc si liquor ille vitalis in fœminis, quæ nunquam non plethoræ ingenerandæ quam maxime aptæ, lapsu temporis sensim in canalium uterinorum alveis accumulatur, & per venas difficilius debito gradu ac iusta proportionem regreditur, fit, ut vasculosæ sinuositates eodem repleantur ac infarciuntur, donec eorum extremitates, quæ oblique hiant in uterum nimium distentæ, apertæ tandem sincerum cruorem in cavum vel vaginam uteri effundant. Expulsa vero sanguinis superflui sufficienti copia, oscula iterum collabuntur, vasa coarctantur, & diminuta plethora, reliqui sanguinis circuitus liberior non modo per uterum, sed per universum etiam corpus redditur, sicque ob exquisitam omnium in machina animali ratione

tione circuli sanguinis sympathiam, salutaris ad integritatis tutelam subsequitur effectus.

§. IIX.

Quum itaque sanguinis redundantia, præcipua sit menstruæ, quam fœminæ experiuntur, evacuationis, quæ in salutem corporis cedit, causâ; luculenter profecto patet: quod non leviter in artis exercitio ii medentium hallucinentur, qui, ubi ob morbos prægressos, aut nimias in aliis locis factas hæmorrhagicas evacuationes, purpureus latex exhaustus est, eamque ob causam menses substituerunt, vel parcius exsolvuntur, fortioribus pellen-
tibus & emmenagogis fluxum sanguinis proritare nituntur; quum potius laborandum esset, ut superata valetudine, appetentia & digestio restitueretur, & alimentis evpeptis ac evchymis, quæ bonum & temperatum chylum ingignunt, depressa erigeretur sanguificatio, sponte utique hac reparata utero ad officium redeunte.

§. IX.

Quum vero porro uteri fabrica ratione texturæ, ratione virtutis expansivæ & contractilis, ratione quoque exilitatis & amplitudinis vasorum, non in omnibus una sit eademque, sed quoad ætatem, hæreditariam & nativam partium solidarum constructionem, vitæ quoque genus & victus multum varient: Medici omnino est, in diiudicandis & curandis ex uteri vitio morbis, ipsius dispositionem & naturam probe scrutari & cognita eadem, postea

accommoda præsidia opponere. Nihil certe in praxi medica solennius est, quam si tributum lunare a virginibus, vel tenerioribus fœminis male ad calculum solvitur, sanguinis missionem suadere, eaque admissa, medicamenta menses pellentia, & quidem quæ vehementiorem turgescentiam & commotionem in sanguine suscitant, præscribere; a quorum tamen usu in longe deteriorem statum subinde conii-ciuntur miseræ, dum urgenti iam chlorosi subinde convulsiones & artuum distensiones, vel lentæ febres, graves cephalalgiaæ aliæque passiones associantur. Quod quidem nullam ob rationem fieri arbitramur, quam quod deficiens, vel parvus menstrui fluxus successus, sæpissime a tensa fibrarum uteri strictura vasorumque nimia exilitate, ut ab allabente sanguine ægrius distendantur, ortum trahat. Id enim multiplici observatione in artis exercitio compertum habemus, virgines iuniores & tenellas, acerariorum abusu nec non frigido aëre liberius paulo ad inferiora admissis, dum sæpe nudis ferme natibus, frigido solo insident, difficulter sanabilem & gravibus symptomatibus stipatam mensium anomaliam sibi contraxisse.

§ X.

Proinde si hæc subest caussa frustra utique quin cum damno propinantur pellentia, quippe coarctatis & obferatis viis & coacto in celerem motum ac ebullitionem sanguine, maior adhuc obstructio, gravior infarctus sanguinisque ad partes nerveas nobiliores regurgitatio, spasmodum & convulsionum sæpe

sæpe procreatrix, subsequitur. Neque venæ sectio in pede, quæ alias ad levanda symptomata admodum proficua, multum confert, sed sæpius ob maiorem quem proritat ad uterum appulsum, obstipationem obfirmat, & quo minus e vasculorum extremis cruor effluere possit, efficit. Vnicum potius auxilium in fotibus & balneis tepidis emollientibus, strictas fibras laxantibus repositum, eumque in finem laudatissima est virtus balnei ex sola aqua pluviali, levissima & purissima parati, vel si naturale expetis, omnium accommodatissimum balneum ex aquis thermalibus Tœplicensibus, sulphuratis dictis, tempestive admissum. Interne vero reiectis omnibus calidis, acrioribus, balsamicis, optimum in potu thermarum erit præsidium; vel si occasio soterios fontes adeundi non suppetit, commendationem quam maxime merentur salia neutra incidentia, aperientia & blandæ urinæ & alvi fluxum simul elicientia, cum sufficienti liquido sumta. Et horum censum inprimis subeunt borra, sal Sedlicense, terra foliata tartari, solutio oculorum cancri, arcanum duplicatum; in biliosis nitri spectata est efficacia; si vero acido obsessæ sunt primæ viæ, liquor salis tartari, in quo nonnihil massæ pillularum balsamicarum solutum, opem fert exoptatissimam.

§. XI.

Quemadmodum vero mensium defectus, vel eorum imminutus fluxus ex arteriolarum uteri potissimum angustia, compressione & strictura profiscitur: ita immodica sanguinis e genitalibus effusio,

fio, a vasorum & sinuum quos eadem in uteri substantia efformant, nimia amplitudine, relaxatione, tono deiecto & impeditiore inde facto sanguinis per venas ad cor reditu, ortum trahit. Neque enim ulla pars corporis hepate excepto est, ubi tam difficilis cursus & regressus ad fontem observatur, quam in ipso utero, id quod non tantum ob perpendicularem huius partis respectu cordis situm contingit, verum etiam maxime, quod vasa inprimis venosa, uti iamiam meminimus, complicata quasi mirum tortuoso reptatu per eius compagem discurrunt. Quumque præterea tam propter extensionem uteri a foetu, quam venarum & spermaticarum & hypogastricarum anfractuosum ductum, expeditus sanguinis reflui cursus, admodum retardetur, facile iam patet ratio, cur diameter venarum uterinarum, duplo amplitudine arterias superet, ut prona adeo inde elici possit consequentia, quadruplo maiorem quantitatem sanguinis venis uteri contineri, quam arteriis. Quod si itaque venosi quibus uteri compages referta sinus, plus iusto a cruore crasso stagnante distenduntur, obice hoc posito, sanguis per arterias validius appulsus, præcluso in venas transitu, copia sua & impetu vasculorum orificia nimium distenta, tandem divellit, ut dehiscant & contentus humor largiter effluat.

§. XII.

Ex hoc iam facile intelligi poterit, quare virgines rarius nimium mensium fluxum, feminae vero

ro quæ pepererunt, item quæ foetum gestant, haud raro enormem uteri hæmorrhagiam patiantur, quæ etiam sæpissime in gravidis vera abortus causa est. Perquam enim notum est¹, non facile abortivam foetus exclusionem incidere, nisi præcedente largo & impetuoso sanguinis profluvio. Scilicet quando-
cunque in gravidis vasa uteri venosa a copiosi sanguinis affluxu, ultra modum distenduntur, & sanguis in cellulis hærens grumescit & coagulatur, non modo arteriarum orificia, sed etiam ipsi sinus nimium infarti, aperti, accedente simul convulsivo uteri & partium vicinarum motu, sine quo non facile abortus contingit, sanguinem cum impetu eructant, uterus flaccescit, placenta secedit ab eius filamentis & vasorum hiatibus, ac demum foetus secundo vel tertio ab hæmorrhagia die subsequitur exclusio.

§. XIII.

Et hinc est, quod gravidæ, si ultimis gestationis mensibus natura abortum cum enormi hæmorrhagia molitur, summum sæpius vitæ discrimen incurrant, quod etiam non raro accidit, si maturam foetus exclusionem præcedit largius sanguinis profluvium. Funestis enim quamplurimis exemplis confirmat experientia, & matrem & infantem graviter inde periclitari, quinimmo nisi embryo e claustris prodeat, utrosque perire, & quidem propter incompscibilem ac lethalem hæmorrhagiam. Nimirum quamdiu infans partui maturus, vel immaturus adhuc embryo, in uteri loculamento detinetur, is non modo cum suis vasis admodum est disten-

tus,

tus, sed & canalium orificia ab impetuosiori sanguinis eo appulsu latius adaperata, largiorem sanguinis copiam fundunt & cruor perpetim manat: contra vero enixo foetu, licet hiantia, ob avulsam qua antea obducebantur secundinam, vasorum ora, sanguinem subinde copiose effundant, cessante tamen matricis expansione, diductæ antea aperturæ simul concidunt, oscula angustiora fiunt, iisdemque coeuntibus tandem ac clausis, sanguinis effluxus sistitur. Quare si eiusmodi in casu matrem servare & funestum vitalis liquoris profluvium compescere animus est, nihil certe consilii superest, quam ut foetus mortuus aut chirurgico ministerio promte extrahatur, aut abortus medica arte tempestive procuretur: id quod etiam pluribus confirmat BOHNIVS in dissertatione *de abortu salubri*.

§. XIV.

Quamvis autem paulo vehementior animi affectus, inque primis terror, vel impensior sanguinis a motu fortiori, a balneo nimis calido, aut assumpto pharmaco purgante, emetico, sudorifero, aut sic dicto emmenagogo, commotio & rarefactio, frequentes abortionis causæ sint: attamen nisi vasa uteri nimium a sanguine copioso laxata, distenta, infarcta, & matrix ad spastico-convulsivas motiones concipiendas valde prona existant, nullus facile metus erit abortus. Quapropter etiam erroribus, tam vulgi, quam plurimorum Medicorum, is quoque annumerandus, quo autumant, dari certa & indubitatae efficaciae abortiva pharmaca; quum tamen experien-

rientia prorsus refragetur, qua constat, a prægnantibus meretricibus largas venæsectiones, medicamina purgantia, emetica & menses pellentia, validiora etiam, sæpe sine ullo effectu, ad expellendum fœtum adhiberi, ac vicissim, si matrix ad conceptum præmature exturbandum disposita, accedente levi tantummodo causâ, istum protinus sequi. Et profecto singulare divinæ providentiæ atque sapientiæ documentum hoc præbet, quod in omni rerum universitate non absoluta eiusmodi, quæ semper abortum provocandi potentia pollent, reperiantur media, eo quod si essent, innumera utique in tanta hominum scelestorum multitudine patrarentur homicidia.

§. XV.

Nihil vero frequentius accidit, quam ut quæ abortum iam perpeßæ sunt, levi de causâ, eodem tempore recurrente, in eum rursus incidant. Pariter experientia compertum est, plerumque insignes sanguinolentas instar ovi gallinacei massas, una cum copioso cruore, ante abortivam exclusionem ex utero gravidarum elidi, luculento argumento, a præcedente abortu robur & elaterem uteri eiusque vasorum valde fuisse debilitatum, ut non tam cito in pristinum statum redire potuerit. Nam uteri ad tam frequentem abortum dispositio, non nisi in nimia relaxatione & dilatatione vasorum quærenda est, quæ ut tollatur vasorumque tonus reparetur, nisi cito prudens Medicus primis diebus vel hebdomadibus post abortum aut legitimum partum, blandis videlicet laxantibus & temperatis balsamicis ac

roborantibus, aliquoties reiteratis, aut congrua diæta, vel, si sanguinis copia urget, tempeſtiva eiſdem primis ſtatim ſi conceperunt menſibus e vena ſectâ imminutione, laboret, difficulter ſane hæc vitioſa uteri conſtitutio tollitur ac emendatur. Plerumque enim, quod probe notandum, nimia quoad vaſa & vires ſanguinis redundantia, cui maxime omnium quæ ſpongioſioris habitus corporis ſunt, quæ ſegnioris ſunt alvi & in otio degunt feminæ patent, cauſſam omnino materialem præmaturæ expulſionis ſubminiſtrat. Quapropter ſi non ſapienti & quali provido naturæ conſilio primis imprægnationis menſibus ſanguis, quod frequenter accidit, conſueto tempore ex regione uteri exteriori profluat, vel ob inappetentiam, naſeam, ventriculi ſubverſionem & præcordiorum anxietates, tanquam ſymptomata in principio valde familiaria, parcior fiat ciborum aſſumptio, vel niſi pro differenti exundantis ſanguinis ratione, venæ ſectio plus vel minus reiteranda inſtituatur, ipſaque alvus congruis remediis ſolvatur, raro fœtus ad maturitatem pertingit & ad legitimum uſque partus terminum in utero conſervatur.

§. XVI.

Accedit alius non minoris momenti & communis ferme in praxi vulgari & minus rationali medica error, eorum, qui nimiam ſanguinis menſtrualis, vel etiam lochialis in puerperis aut abortientibus, per uterum profuſionem, vel per crebrius in manu inſtitutas venæ ſectiones, vel per liberalius exhibita retri-

refrigerantia, positive adstringentia aut opiata & narcotica, imprudenter cohibere ingenti cum damno ægrotantium tentant. Hac enim perversa ratione medendi & remediis incongruis, naturale robur, tonus & elater non modo uteri, sed & solidorum universi corporis valde minuitur, & maior atonia inducitur, ut malum vel non sanetur, vel gravius fiat. Quin potius, quod quidem παραδόξον videbitur forsitan pluribus, qui non cum & ex ratione in medendo agere suescunt; confirmatius asserimus: eandem methodum eademque fere remedia, quibus menses imminutos & suppressos revocamus, ad eosdem quoque nimium & supra modum fluentes compescendos & ad naturalem statum traducendos, esse utilissima. Sane multiplici experientia confirmatum habemus, decenti usu thermarum, acicularum, balneorum ex herbis nervinis, vel etiam emollientibus concinnatorum, clysterum uterinorum nec non medicamentorum ex marte paratorum, pilularum sic dictarum balsamicarum, Beccherianarum, vel ad earum imitationem paratarum, aut pediluviorum, item salis deterfivi nitrosi, mensium & nimium, & imminutum fluxum felicissime fuisse sanatum. Nam in utroque malo deiectus uteri tonus est, vasa cruore distenta, circulus sanguinis per uterinos canales non liber & expeditus, sed infarctu, obstructione & stagnatione interceptus, quibus tollendis vel corrigendis, prædicta utique remedia admodum sunt idonea.

§. XVII.

Sed pergimus ad aliud vitium uteri, quod ex
C 3 eadem

eadem, quam memoravimus matricis structura, derivandum. Videlicet tortuosus implicatusque innumerorum in uteri compage vasorum est reptatus, lentus sanguinis admodumque difficilis per eadem cursus; eaquepropter non mirandum, tot & tam variis diversæ figuræ, magnitudinis & structuræ excrescentiis, tam carneis, quam fungosis, ex prava nutritione oriundis, obnoxiam esse hanc præ aliis partem, quæ vel externam eius superficiem, vel internam cavitatem, cervicem, aut etiam vaginam obsident, & nonnunquam adeo augescunt, ut graviditatem mentiantur. Crebrius etiam quam ullibi massæ fibrosæ sanguinolentæ, nec non ex membranis coagmentatæ polyposæ concretiones, in canalium uterinorum alveis gignuntur, quæ deinde vel enormi uteri hæmorrhagiæ, quam abortio sequitur, vel sterilitatis causam suppeditant. Communi nomine progenita eiusmodi in utero concrementa dicunt molas; quarum quidem plures oppido sunt species, a cl. LAMSWERDE in molas nutritionis & generationis distributæ; ne tamen, quod facile fit, confundantur, earundem discrimen paullo clarius hoc loco exponere non erit incongruum.

§. XVIII.

Ac primo quidem secundina, cum tenello unius, vel etiam duorum mensium fœtu, per abortum exclusa, ab ignaris pro mola habetur, quia coagmentatum ex carne frustum refert. Deinde, utut rarius, massæ globosæ, in ipso utero enatæ, & quæ haud raro graviditatis suspicionem faciunt, ac sæpe
in

in vita functis reperiuntur, vel etiam aucto peculiariter uteri motu & constrictione eliduntur, idem-
tidem molæ esse creduntur. Porro nonnunquam accidit, ut perpeſſo abortu, vel superato etiam legitimo partu, aliquot menſibus poſt, a feminis, quæ gravidæ iudicabantur, eiſciantur maſſæ ſolidæ carneæ, variæ magnitudinis & figuræ, quæ dum deforme corpus, & animalculi cuiuſdam, ut talpæ, muris maioris, aut alius, ſpeciem repræſentant, a ſuperſtitioſa plebe incantamento tribuuntur, ac molæ eſſe perhibentur, quin a plurimis Medicorum pro præternaturali conceptu, ex femine imbecilli ac morboſo prognato, venditantur. Hæ ſæpius per annum & longius in utero geſtantur, & propter varia pathemata gravidis ſolennia, veri embryonis coniecturam cient, ac quandoque decimo demum vel undecimo menſe extruduntur. Sed firmo utique fundamento cl. R V Y S C H I I nititur ſententia, qui in *obſervat. anatomico-chirurg. XXIX. & LIIX.* perhibet: uterina hæc concrementa, ex relictis poſt fœtum excluſum ſecundinæ fruſtulis, cum uteri vaſis firmiter connexis, generari, quæ ſanguinis appulſu nutritæ, increſcant, & lapſu temporis duriora & compactiora facta, pro varia uteri compreſſione diverſas quoque figuras nanciſcantur. Sæpe enim fit, ut ſecundinæ prodeant dilaceratæ, quare non inconſultum eſt, ipſas poſt partum probe inſpicere & examinare, an integræ, vel divulſæ ſint; quandoquidem ſi portio quædam remaneat, gravibus pathematibus obiicitur femina, eaque propter tum maxime laborandum eſt, quo reſtitans fruſtum cito expel-

expellatur, quod nos sæpius aut convenienti clystere, aut pilulis balsamicis, felicissime præstitisse recordamur. Frequentioris tandem observationis sunt ex sanguine & fibris membranosis coagmentatæ massæ, a nonnullis polypi dictæ, quæ in diductis ac dilatatis uteri gravidæ vasis prognatæ & demum fortiori matricis ac vicinarum partium nisu foras propulsæ, crebrius abortum caussantur, eundemque vel antecedunt, vel comitantur, vel subsequuntur.

§. XIX.

Cognito sic molarum discrimine, perspecta quoque earum origine, facilius nunc curiosam istam quæstionem, a pluribus acrius agitaram, dirimere licet: num scilicet virgines molam gestare possint? Nam haud difficulter quisque intelliget, eas molas, sive massas carneas, quæ ex relicta secundinæ parte aucta originem fortiuntur, in iis quæ virginitatem illæsam servarunt neutiquam succrescere posse. Neque etiam frustra ista fibrosi & coagulati sanguinis, quæ molæ vel polypi censentur, in virgineo utero, cuius vasa valde exilia & angusta sunt, sed in gravidis potissimum generantur, & in parturientibus solenniter observantur. Minime vero insuetum aut impossibile est, fungosa corpora, tam in exteriori superficie, quam etiam in ipsa cavitate matricis virginum, perpeffa videlicet prius externa quadam violentia, ut lapsu ex alto in abdomen, posse produci; quemadmodum constat fide BARTHOLINI *cent. I. hist. 67.* item HORSTII *de morbis mulier. libr. IV. obs. 39.* Pariter id quoque non negandum videtur, sed rationi

tioni utique nec non experientiæ admodum congruum est, coniugatas, vel etiam viduas, provectioris ætatis, quinquagenariis maiores, sanguineas & *εὐαγερας*, subsistente dudum iam menstrua sanguinis per uterum purgatione, carneas & sanguinolentas moleculas, pugno interdum æquales, molliores aut duriores, cum enormi sanguinis fluxu, edere posse, cuiusmodi exemplum memoriæ prodidit MARCELLVS DONATIVS *lib. IV. cap. 25. pag. 451. Joh. RHO-* DIVS *cent. III. cap. 53.* nec non Petrus a CASTRO de anu septuagenaria.

§. XX.

Ob difficiliorem & valde tardum sanguinis per uteri vasa, & maxime spermatica, quæ in varios cincinnos, pampinos vitium æmulantes, contortos implicatosque divaricantur, regressum, & hinc longissimum ad vitalem cordis fontem iter, fit quoque, ut in utero & connexis ipsi partibus, tubis nempe & ovariis, copiosæ interdum feri inundationes & tumores aquosi exoriantur. Nunquam enim citius & promptius fluida & aquosa pars a sanguine secedit, quam ubi lentior minusque expeditus eius per viscera transitus est, quemadmodum id clare patet in hepate; & ob hanc causam etiam non facile numerosiora, quam in hepate ac uteri substantia & adiacentibus ei partibus, vasa lymphatica reperies, quæ a largiori decubitu & affluxu lymphæ distenta, magnas in vesicas, quæ hydatides Græcis dicuntur, explicantur, quibus demum disruptis, nonnunquam subito hydrops gignitur, & mira feri quantitas ef-

D

fusa

fusa cavitatem obdominis occupat. Ita permultas hydatides in uteri confiniis post partum difficilem reperit SALMVTHVS *cent. I. obs. 38.* & in hysterica foemina gravida dissecta PECHLINVS *obs. 19.* In cornubus ac tubis uteri ingentem aquæ copiam nonnunquam colligi, fidem facit TVLPIVS, *observatt. lib. IV. obs. 45.* exemplo feminae, quæ in utroque uteri cornu, novem circiter aquæ purisque libras, inclusas innumeris vesicis, gestavit. Plura eiusmodi exempla vide apud SCHENCKIVM *lib. III. obs. 6. 7.* & ROLFINCKIVM *de organ. genital. cap. 20.* nec non SYDENHAM *de hydrope.* Eandem quoque in rem apprimè facit HARDERI observatio, perhibentis: in foemina rustica repertum esse non solum ovarium finistrum aquæ subsalsæ & foetentis libris duabus oppletum, sed etiam annexam eidem tubam Fallopianam notabili hydatide obsessam. Et nosmetipsi ante viginti annos ex gravi in hypogastricam regionem lapsu, annotavimus in quadragenaria subortam ibi intumescientiam, cum dolore tensivo, quam aquæ limpidæ largum profluvium, cum sanguine menstruo primum prodiens, excepit, quod postea cessante etiam sanguinis stillicidio, per anni dimidium continuavit, ita, ut quotidie minimum libra una efflueret, donec ægra incassum adhibitis variis medicaminum generibus, demum tabe lentaque febre penitus confecta, obdormisceret.

§. XXI.

Neque etiam adeo insolens, sed aliquoties a nobis observatum est, sub ingravidatione simul occulta-

cultari hydropem; & hinc fit, ut sæpius Medici in diiudicanda graviditate fallantur. Vidimus vero eiusmodi feminas gravidas, hydrope simul laborantes, post partum copiosioris feri effluxu servatas, alias autem interiisse, humore scilicet in cavum abdominis iam effuso. Inprimis memoratu dignum est, quod PLATERVS *lib. III. observat. pag. 620.* prodidit de muliere quadam, quæ quoties uterum gessit, toties detenta fuit ascite. Quinimmo sæpius certe D. D. PRÆSES per Dei gratiam feliciter sanitati reddidit feminas, ex cachexia, inordinata victus ratione & mensium defectu contracta, in intumescenti- am universi corporis prolapsas, & summa spirandi angustia, somnolentia viriumque defectione afflictas, quibus ab usu pilularum balsamicarum nostræ compositionis & salis aperitivi, non tam per alvum, quam per uterum, & catameniorum tempore, & etiam extra illud, larga aquarum quantitas diu secessit, qua exsoluta, sensim paullatimque gravia pathemata, a longo tempore ægras excruciantia, conquieverunt. Et hanc ob causam quoque in ea versamur sententia, hydropicos tumores in feminis plus ex uteri, quam hepatis vitio subnasci, & facilius quoque abigi ac persanari, quam ubi hepar simul affectum est, eo quod liberior & apertus sero stagnanti per uteri ostia patet exitus.

§ XXII.

Hisce iam expositis, facilius nunc erit perspicere rationem, quare virgines æque ac conjugatæ, tam frequenti, & tam diuturno molestissimo feri va-

riæ consistentiæ variique coloris, ex utero & eius vagina profluvio, divexentur. Nam quia tonus & motus uteri, qui æquabili fibrarum eius crispatura & remissione continetur, tam facile læditur, debilitatur & deiicitur, prætereaque tardus admodum per circumflexa & in serpentinis ductus porrecta uterina vasa sanguinis & humorum cursus, lentior quoque sanguinis per venas valvulis destitutas regressus est; perfacile utique, non solum infarctus & stagnationes sanguinis ac feri in matrice oboriuntur, sed ipse etiam serosus & lymphaticus humor segniori progressu lentescens, tandem exitum sibi parat, ac per passim in utero & vagina obvia orificia effunditur. Communis quidem plurimorum auctorum est sententia: ex lacunis GRAAFII, five foveis circa urethram conspicuis, & parvis ibi consistentibus glandulis, humorem hunc excerni; at in his lacunis, nullum quod setam admittat foramen facile reperire licet, sed potius ad utrumque latus orificii & per totam vaginæ substantiam lacunæ apparent plures, quæ quam facile setæ ad digiti dimidium aditum concedunt, earumque ductus pressi liquorem semini haud dissimilem plorant. Vid. HEISTERI *Compendium anatom.* pag. 81. & 82.

§. XXIII.

Verum enim vero, utut relaxatæ hæ glandulæ stillare possint humorem paullo copiosorem; tamen neutiquam hæ ipsæ unicam & genuinam fluoris albi sedem constituunt, sed longe plures dantur meatus, e quibus materia fluoris albi, nec non liquoris

quoris serofi impuri, in puerperis cum & post lochiorum fluxum manantis, ortum trahit. Et licet RVYSCHIVS glandulas in utero unquam visas esse, aut demonstrari posse neget, nullum tamen dubium est, quin ex istis ostiolis quæ sub mensium fluxu sanguinem fundunt, serum etiam exitum moliri possit. Perquam enim notatu digna est, cel. FANTONI *anat. C. H. pag. 186.* observatio, qua fidem facit, quod flatus per venas uteri in cavum matricis & vaginæ, ac vicissim ex hoc in venas adigi possit atque transmitti. Deinde etiam teste GRAAFIO & HORNIO, pori & foraminula in cervice uteri conspiciuntur. Neque prætereunda sunt, quæ VERHEYEN *in Anatomia C. H. cap. 33. cf. tabul. XVII. fig. 2. 3.* prodidit, quod scilicet in utero, in aqua macerato & per aliquod temporis spatium in blando calore detento, in interiori non modo vaginæ superficie, plurima corpuscula globosa, & alibi quidem racemati ipsi inhærentia, alibi vero per eam disseminata, sed in inferiori quoque parte cavitatis uteri, similia corpuscula viderit, eademque pro glandulis seroso-pituitosi humoris secretioni inservientibus non immerito habenda esse existimet.

§. XXIV.

Quam leve autem hoc malum primo intuitu videatur, ut tantum pro coryza habeatur, tam contumax est, tam ægre admittit curationem ipsosque Medicos torquet atque fatigat; quod quidem nostro iudicio hanc potissimum ob rationem fieri arbitramur, quia plerique medentur, causam tantummodo a

D 3

depra-

depravata sanguificatione, depressa sanguinis spirituscentia ac prædominio feri deducunt, & reparando remisso uteri tono ac promovendo expedito per hoc viscus sanguinis progressu minus intenti, nonnisi remediis anticacheeticis & serum educentibus, purgantibus, contra illud pugnant, omissis roborantibus summopere necessariis. Nos potius ad debellandum refractarium hunc affectum quam maxime commendamus usum pilularum balsamicarum, quæ ad imitationem Beccheri, ex amaris extractis, gummatibus balsamicis temperatis, refracta dosi extracti aloes & ellebori nigri, concinnatæ sunt, præsertim si cum martiali medicamento propinentur. Suademus quoque ut loco potus ordinarii bibant ægræ decoctum ex ligno lentisci, radice sarsaparillæ, rasura fantali citrini & rubri, passulis minoribus, cornu cervi, & semine fœniculi paratum. Opus tamen etiam est, ut exterius vel suffitus balsamici, ex mastiche, succino, olibano, tacamahaca & cinnabari artificiali mane & vesperi admittantur, vel etiam in ipsum uterum mediante siphone spargatur aqua sic dicta archebusade, aut liquamen, ex radice aristolochiæ, herba artemisiæ, matricariæ, agrimonix, argentinx, myrrha, mastiche, foliis myrthi, floribus rosarum rubrarum, cum vino rubro decoctis, quippe quod, non solum in uterum iniectum, sed etiam frequentius regioni pubis cum linteis applicatum, admodum proficuum est. Hisce vero omnibus præferenda omnino sunt balnea illa nativa, quæ ob martiale quo dotata sunt elementum, roborandi facultate pollent, ut sunt maxime aquæ Lauchstadienses, præ-

præsertim si in illis herbæ nervinæ, uterum efficaciter roborantes, cuius generis sunt melissa, mentha, origanum, serpillum, horminum, chamomilla Romana, maiorana, bulliant, quandoquidem hæc, post balsamicorum usum & corpus expurgatum, iterato usurpata, non modo in hoc affectu, sed & in aliis ex uteri vitio provenientius, effectum præstant longe saluberrimum, eo præstabiliorem ac certiore, si interius simul aquæ temperatæ minerales potentur.

§. XXV.

Sed sicuti hætenus exposita uteri vitia, potissimum eius atoniæ & laxitati ortum debent: ita certe plura etiam sunt mala, quæ ex nimia & spastica eiusdem stricture originem trahunt. Id enim matrix cum omnibus partibus, quæ eandem cum ipsa structuram, ex fibris scilicet musculosis & nerveis, obtinent, commune servat, ut subinde stringatur & spasmo corripiatur, quin nonnunquam convulsivo plane motu agitetur. Maxime omnium vero in orificio uteri interno, quod sensu exquisitiori præditum, motuum ut remissio, sic etiam intensus nimis ac præternaturalis rigor animadvertitur, utpote quod, ex fibris magis nerveis spirali ductu connexis contextum est. Nam interdum nimia eius constrictione reddit difficilem & laboriosum partum, quæ nisi balneis, unguentis vel fotibus emollientibus prius tollatur, foetui exitus penitus præcluditur. Deinde admissio improvide ad inferiora, maximeque uteri confinia, in fluxu lochiali vel etiam mensium frigore, eundem illico non sine pe-

periculo sisti, indubiæ experientiæ est. Idem effectus incidit a terrore, cuius uti magna vis in constringendis, præsertim externarum partium fibris & tubulis est, ita maxime illa observatur in uteri nervoso-musculosa substantia eiusque partibus, & frequentissimam abortionis, vel etiam nimii, aut suppressi menstrui vel lochialis fluxus, causam suggerit. Emetica porro, purgantia acriora & omnis generis venena, magnam quoque utero mutationem inducunt, & spasmos in uterina compage suscitantia, in sensibilibus facile ad abortum disponunt.

§. XXVI.

Neque præterea dubium est, quin non modo ad foetum & secundinam, sed etiam ad molas & massas coagulati cruoris, ex sinu uteri exturbandas, opus sit intensiori uteri systaltico, seu constrictorio motu ac robore, ita nempe, ut fundo uteri arctius stricto ac corrugato, collum eius & vagina dilatetur. Vbi itaque in parturientibus ex virium defectu hæc intensio motus & toni constrictorii vigor deficit, ibi utique analeptica, inter quæ eminet cinnamomum & eius oleum, aut aqua spirituosæ, & alia quoque roborantia, ut essentia succini, myrrhæ, balsamum nostrum vitæ, spiritus oleosus Sylvii, bezoardicus Buffii, vel pellentia, ut borra, apprime ex usu sunt, quinimmo commendantur eum in finem a multis medentibus vomitoria, quo iisdem fibræ ad motum auctiorem excitulentur. Contra vero, quando spasmico & convulsivo motu qui sæpe infelicissime situm foetus naturalem invertit, ante partum, vel in ipso

fitum foetus naturalem invertit, ante partum, vel in ipso, concutitur uterus, & omnia æstu accalorescent, improvide admodum & cum damno a Medicis eiusmodi spirituosâ ingeruntur, quia exclusionem magis impediunt & febrem vel delirium puerperis accersunt: quin potius præstantissima est antispasmodicorum & sedativorum virtus, quæ motuum impetus placant atque componunt, e quorum numero sunt crocus, castoreum, fel anguillæ, pulvis viperarum, secundinæ humanæ, lumbricorum, massa pilularum Wildegansii, anthera liliorum alborum, aqua florum tilia, sambuci, acaciæ, liliorum alborum, primulæ veris, aliaque id genus plura. Iuvat quoque in tali casu in sanguine plenis imminente partu venam secare, & quidem in brachio, ne compressis a redundante cruore in infimo ventre nervis, motus tam in utero, quam musculis ad foetus expulsionem facientibus, cohibeatur ac impediatur. Eadem ferme medendi ratio ineunda, si in doloribus a nimia strictura, quam dolores abdominis in puerperis indicant, fluxus lochiorum non sine summa perniciæ retinetur. Hoc enim si contigerit, nullo modo pellentibus, sed potius motus sedantibus profluvium eliciendum, eoque nomine merito utique ET TMVLLERVS ex opio præparata in doctæ & practicæ conscripta dissertatione *de vi opii diaphoretica* commendat. Si vero ob constrictoriam uterinarum fibrarum vim remissam ac deficientem, impurus & stagnans sanguis, post partum ex utero non rite expurgatur, præter interna excernendi humoris effluxum scientia, spectata certe est efficacia clysterum ex herbis uterinis, abrotano scilicet, pulegio, roremarino, artemisia, melissa, fl. cheiri con-

cinnatorum, adiecto nonnihil massæ pilularum balsamicarum.

§. XXVII.

Viget itaque in uteri compage motus & constrictorius & relaxatorius, quem si quis appellare velit peristalticum, is meo quidem iudicio non errabit. Dum enim una pars corrugatur, altera explicatur, & reciproco hoc motu quam optime omne præternaturale in utero contentum excutitur. Certe quod mulieres de flatibus ex utero prorumpentibus sæpius conquerantur, indicio est, tenacem humorem, qui calore in vapores resolvitur, in uteri sinu hære, & succedere adhuc in eius substantia motum. Deinceps hunc alternantem uteri motum, nonnunquam haud secus quam in ventriculo sub vomitu inverti, ex eo patet, quod sanguis menstruus vel etiam lochiorum, per vaginam fluere solitus, quandoque per tubas Fallopianas in abdominis cavitatem lethali eventu urgeatur ac effundatur; quale exemplum consignavit RVYSCHIVS *in observat. anatomico-chirurg. obs. 84. 85.* Accedit & perquam notatu dignum & illud est, quod stricto arctius uteri fundo, & relaxata nimis inferiori eius cum vagina parte, matrix ipsa ita contorqueri ac subverti possit, ut sæpius obstetrices decipiantur, & coniecturam capiant, restare adhuc in sinu foetum, qua de re RVYSCHIVS *l.c. obs. 93.* legi meretur. Quinimmo præternaturali & inverso uteri ab exterioribus ad interiora motui, mea quidem sententia, tribuenda utique sunt gravia illa & funesta symptomata, quæ puerperas sæpe exercent, ut febres, dolores acuti, convulsiones, deliria, lethales apople-

xiæ, exanthemata purpuracea, rubra & alba, eo quod cuncta hæc sanguini corrupto per uterum expurgando, ad interiora represso, & passim in partibus stagnante, ortum debent.

§. XXVIII.

Dignus certe est, qui notetur locus HIPPOCRATIS, graphice satis mala ex intercepto libero sanguinis per uterum transitu, delineans, & ita habens: *refluens sanguis ab utero & premens septum transversum, retracto utero, præfocationem, in caput irruens, insaniam, epilepsiam, catochos, apoplexiam, occupans thoracem, tussculares affectus, irruens in cor, palpitationes & tremores cordis, nonnunquam syncopes, in nervos denique, facit stuporem, immobilitatem & resolutionem.* Atrocia enim illa pathemata, quæ hysterica vulgo dicta, gravius sæpe feminas exercent & admodum conveniunt cum symptomatibus mali sic dicti hypochondriaci spasmodico flatulenti, potissimum uteri vitio debentur; quandoquidem magnus omnino utero cum præcipuis corporis partibus intercedit consensus, qui non tam a nervorum communione & mutua conspiratione vitiosorum in nervosis partibus motuum, quam potius a vasorum sanguiferorum systemate & turbato in eodem sanguinis itinere accersendus est. Nam quemadmodum in hypochondriacis, quando sanguis per hepatis viscus ægrius transiens, ad eas partes redundat, ad quas venæ portæ rami pertingunt, præsertim nervosas, ventriculum & intestina, pressione & distensione spasmos cum gravissimis symptomatibus suscitatur; ita etiam idem contingit in feminis, quando per uteri compagem non libere fertur sanguis, sed sta-

gnans tardius progreditur, & ad corporis penetralia, ventriculum & maxime intestina, thoracem, caput regurgitat, ubi pro diversitate partium, vehementer lædit earum functiones & varia, eaque satis atrocia, symptomata inducit. Quapropter Medici periti & sagaciores, in omnibus, quæ femininum sexum affligunt malis, maxime ad uterum & mensium successum, nec non qualis motus & cursus sanguinis per matricis vasa sit, respicere & curandi rationem eo potissimum dirigere debent; quum contra illi, quod communiter fere fieri assolet, perversa incedant via, qui ad tollenda hæc pathemata varia præscribunt remedia, negligendo causam & originem unde proveniunt.

§. XXIX.

Restat adhuc ut de consensu uteri cum intestino recto & vasis hæmorrhoidalibus quædam addamus. Ac primo quidem in consideratione sympathiæ uteri cum hæmorrhoidalibus venis, notandus utique est anatomicus error, etiam illis communis, qui hæmorrhagias & hæmorrhoidale negotium ubique crepant, dum autumant, internas hæmorrhoides, quæ venæ portæ propagines sunt, ramos spargere ad ipsum uterum, & maxime ad vaginam; quum tamen avtopsia anatomica, uti cl. SALTZ-MANNVS in *dissert. de vena portæ* dilucide monstravit, falsam esse hanc assertionem doceat, & testatum faciat, hæmorrhoidales tantum externas ad matricem & vaginam copiosos dimittere surculos, cum internis per mutuam anastomosin connexos. Interim cognito hoc vasorum nexu, in proclivi est rationem reddere, quare

in

in feminis quæ sanguine abundant, is non modo per uterum, sed etiam quandoque per ani venas exitum affectet, eodemque præcluso, a stagnante cruore non tantum tubercula, cæcæ hæmorrhoides dicta, oriantur, verum etiam plura incommoda, dolores scilicet pressorii fixi in osse sacro, aliaque symptomata, familiaria iis, qui suppresso hæmorrhoidum fluxu laborant, molestissima succedant. Deinde id quoque experientia compertum est, in feminis annosioribus, quæ non amplius menstruam patiuntur purgationem, sæpenumero, si non venarum sedis stillicidium, conatum tamen & nisum ad illud suboriri, stipatum variis malis, suppressa hac evacuatione solennibus. Eidem quoque vasorum connexioni tribuendum, quod frequentissime primis statim a partu diebus nodosæ protuberantiæ vasorum hæmorrhoidalium in ano ardentem dolorem excitantes prodeant, quæ omni procul dubio a nisu & pressione fortiori, quam parturientes sustinent, copiosius sanguinem ad uterum & eius vasa urgente, originem trahunt.

§. XXX.

Quod vero ad vaginæ consensum cum intestino recto attinet, is quidem conspectius ex eo patet, quod membranæ utriusque tam arcte connexæ ac plane concretæ sint, ut vix provida ac suspensa manu sine dilaceratione divelli possint ac separari. Et hinc utique ratio ducenda, quare tenesmus, qui dysenterix laborantibus solenne est symptoma, facile vaginam ad prolapsum disponat, quin ipsum abortum proritet. Hinc porro est, quod supposi-

toria acriora , præsertim ex validioribus purgantibus parata , ad abortum provocandum multum valeant, nec non quod ad molarum vel sanguinis grumescentis ex utero exclusionem , immo ad revocandum suppressum mensium & lochiorum fluxum, clysteres ex uterinis , nervinis ac lenius stimulantibus concinnati, desideratissimam præstent opem.

§ XXXI.

Coronidis loco lubet quasdam cautelas & regulas egregii in praxi usus subnectere.

I. Nihil maiorem usum præstat in gravidis easque ab incurso magnorum morborum munit, ac foetum sanum vegetumque reddit , quam venæ sectio in sanguine plenis, aliquoties circa tertium, septimum & nonum mensem repetita.

II. Error est , venæsectionem in pede gravidis esse perniciosam, eo quod abortum proritet.

III. Vtiliter sæpe sanguis mittitur, si dolores dorsi urgent, si pathemata hysterica , vel etiam dolores ischiadici affligunt.

IV. Venæsectio in lochiorum fluxu suppresso, restitante etiam in corporis penetralibus purpura, præstolans mortis periculum sæpe abigit.

V. Mensium & suppressorum & imminutorum causa sæpius est plethora, quæ sanguinis missione tollitur, ita, ut admissa ea, mox arteriæ validius pulsant & sanguis liberius per uterum feratur.

VI. Quando febris sive continua, sive inter-

mit-

mittens, gravidam vel puerperam corripit, sanguinis missio nunquam noxia, sed sæpius summe necessaria est.

VII. Primis statim a puerperio diebus, pilulas balsamicas exhibere convenit, quarum usu & lochialis fluxus promovetur, & multæ impuræ sordes tempore graviditatis collectæ, per alvi secessum exturbantur.

VIII. Passulata, mannata, rhabarbarina & tartarea, in gravidis magis locum inveniunt quam alia laxantia.

IX. Ad tollendam sterilitatem, unica hæc est indicatio: ut tonus utero reddatur, & sanguinis motus per matricem cum mensium fluxu in ordinem redigatur.

X. Morbi fere omnes ex uteri vitio, si mitigandi vel sanandi, venæsectionem, pilulas balsamicas leniter laxantes, balnea, tam nativa, quam artificialia, martialia recte præparata, lenia antispasmodica, carminativa, nec non usum temperatarum mineralium aquarum exigunt.

XI. Cortex chinæ, accommodis aliis, inprimis pulveri florum chamomillæ, nuptus, prudenter in febre intermittente & congruo tempore exhibitus, etiam gravidis non nocet, sed summo præsidio est.

XII. Refractarii morbi ex utero frequenter postulant externa, suffitus, iniectiones, clysteres uterinos, fodus, epithemata, balnea, quo ad partem affe-

affectam virtus medicamentosa eo citius pertingere possit.

XIII. Gravidis & puerperis exquisita diætæ, victus/vitæque ratio servanda.

XIV. Frigus & internam refrigerationem, per medicamina purgantia & omnia acida adstrictiva, nimios quoque cibos, omni studio quæ uterum gerunt, vel partu defunctæ, evitent. Vti vero quies corporis puerperis amica, ita gravidis eadem inimica, & præstat corpus subinde moderate exercere.

F I N I S.

